

三年京國厭藜蒿長羨淮魚壓楚糟今日駱駝橋下
泊恣看脩網出銀刀

烏程霜稻襲人香釀作春風雪水光時復中之徐邈
聖無多酌我次公狂

去年臈日訪孤山曾借僧窓半日閑不為思歸對妻
子道人有約徑須還

王復秀才所居雙檜二首

吳王池館徧重城閑一作草幽花不記名青蓋一歸
無覓處只留雙檜待昇平

凜然相對敢相欺直幹凌空未要竒根到九泉無曲

處世間唯有螭龍知

上元過祥符寺僧可久房蕭然無燈火

門前歌鼓鬪分朋一室清風冷欲冰不把瑠璃閑照
佛始知無盡本無燈

飲湖上初晴後雨二首

朝曦迎客艷重岡晚雨留人入醉鄉此意自佳君不
會一杯當屬水仙王湖上有水仙王廟

水光瀲灩晴方好山色空濛雨亦奇欲把西湖比西
子淡粧濃抹總相宜

富陽妙庭觀董雙成故宅發地得丹鼎覆以

銅盤承以琉璃盆，盆既破碎丹亦為人爭奪。
持去今獨盤，昂在耳二首。

人去山空鶴不歸，丹亡昂在世徒悲。可怜九轉功成後，却把飛昇乞內芝。

琉璃擊碎走金丹，無復神光發舊壇。時有世人來舐昂，欲隨鷄犬事劉安。

山村五絕

竹籬茅屋趁溪斜，春入山村處處花。無象太平還有象，孤煙起處是人家。

煙雨濛濛鷄犬聲，有生何處不安生。但教一作黃犢

無人佩布穀，何勞也勸耕。

老翁七十自腰鐮，慙愧春山笋蕨甜。豈是聞韶解忘味，爾來三月食無鹽。

杖藜裹飯去匆匆，過眼青錢轉手空。贏得兒童語音好，一年強半在城中。

竊祿忘歸我自羞，豐年底事汝憂愁。不須更待飛鴛墮，方念平生馬少游。

贈別

青鳥街中久欲飛，黃鶯別主更悲啼。慙慙莫忘分携處，湖水東邊鳳嶺西。

次韻代留別

絳蠟燒殘玉笋飛，離歌唱徹萬行啼。他年一舸鳴榔去，應記儂家舊姓西。

吉祥花將落而述古不至

今歲東風巧剪裁，含情只待使君來。對花無信花應恨，直恐明年便不開。

述古聞之明日即來坐上復用前韻同賦

仙衣不用剪刀裁，國色初酣一作含。酒來太守問花，花有語為君零落為君開。

寶山晝睡

七尺頑軀走世塵，十圍便腹貯天真。此中空洞渾無物，何止容君數百人。

席上代人贈別二首

淒音怨亂不成歌，縱使重來奈老何。淚眼無窮似梅雨，一番勻了一番多。

天上麒麟豈混塵，籠中翡翠不由身。那知昨夜香闥裏，更有偷啼暗別人。

唐道人言天目山上俯視雷雨每大雷電但

聞雲中如嬰兒聲殊不聞雷震也

已外浮名更外身，區區雷電若為神。山頭只作嬰兒

看無限人間失節人

追和子由去歲試舉人洛下所寄詩五首

暴雨初晴樓上晚景

秋後風光雨後山滿城流水碧潺潺煙雲好處無多
子及取昏鴉未到間

浴邑從來天地中嵩高蒼翠比邙紅風流者舊消磨

盡只有青山對病翁

公富也

白汗翻漿午景前雨餘風物便蕭然應傾半熟鵝黃
酒照見新晴水碧天

疾雷破屋雨翻河一掃清風未覺多應似畫師吳道

子高堂巨壁寫降魔

客路三年不見山上樓相對夢魂間明朝却踏紅塵
去羞向清伊照病顏

佛日山榮長老方丈五絕

陶令思歸久未成遠公不出但聞名山中只有蒼髯
叟數里清風

蕭蕭管送迎

千株玉槩攬雲立一穗珠旒落鏡寒何處霜眉碧眼
客結為三友冷相看

東麓雲根露角牙細泉幽咽走金沙不堪土肉埋山
骨未放蒼龍浴渥洼

食罷茶甌未要深清風一榻抵千金腹搖鼻息庭花落還盡平生未足心

日射回廊午枕明水沉銷盡碧煙橫山人睡覺無人見只有飛蚊遶鬢鳴

八月十五日看潮五絕

定知玉兔十分圓已作霜風九月寒寄語重門休上
鑰夜潮留向月中看
萬人鼓噪懾吳儂猶似浮江老阿童欲識潮頭高幾
許越山渾在浪花中
江邊身世兩悠悠久與滄波共白頭造物亦知人易

老故教江水更西流

吳兒生長狎濤淵冒利輕生不自憐東海若知明主
意應教斥鹵變桑田

是時新有
禁弄潮

江神河伯兩醜鷄海若東來氣吐霓安得夫差水犀
手三千強弩射潮低

吳越王常以弓弩射潮頭
與海神戰自爾水不近城

臨安三絕

將軍樹

阿堅澤畔菰蒲節玄德墻頭羽葆桑不會世間閑草
木與人何事管興亡

錦谿

楚人休笑沐猴冠越俗徒誇翁子賢五百年間異人
出盡將錦綉裏山川

石照

山鷄舞破半岩雲菱葉開殘野水春應笑武都山下
土枉教明月殉佳人

陌上花三首

遊九仙山聞里中兒歌陌上花父老云吳越王妃
每歲春必歸臨安王以書遺妃曰陌上花開可緩
緩歸矣吳人用其語為歌含思宛轉聽之凄然而
其詞鄙野為易之云

陌上花開蝴蝶飛江山猶是昔人非遺民幾度垂垂
老遊女長歌緩緩歸
陌上山花無數開路人爭看翠輦來若為留得堂堂
去且更從教緩緩迴
生前富貴草頭露身後風流陌上花已作遲遲君去
魯獨歌緩緩妾迴家

九日舟中望見有美堂上魯少卿飲處以詩

戲之二首

拍點雲間數點紅笙歌正擁紫髯翁誰知愛酒龍山
客却在漁舟一葉中

西閣珠簾卷落暉水沉煙斷佩聲微遙知通德淩涼甚擁髻無言怨未歸

金門寺中見李留臺與二錢惟演唱和四絕

句戲用其韻跋之

帝城春日帽簷斜二陸初來尚憶家未肯將鹽下尊菜已應知雪似楊花

生平賀老慣乘舟騎馬風前怕打頭欲問君王乞符

竹但憂無蟹有監州世所傳錢氏故事

西臺妙迹繼揚風凝無限龍蛇洛寺中一紙清詩吊

興廢塵埃零落梵王宮

五季文章墮劫灰升平格力未全回故知前輩宗徐庾數首風流似玉臺

書雙竹湛師房

我本江湖一釣舟意嫌高屋冷颼颼羨師此室統方丈一炷清香盡日留

暮鼓朝鍾自擊撞閉門孤枕對殘缸白灰旋撥通紅

火卧聽蕭蕭雪一作打牕

和述古冬日牡丹四首

一朵妖紅翠欲流春光回照雪霜羞化工只欲呈新巧不放閑花得少休

花開時節雨連風却向霜餘染爛紅漏泄春光私一
物此心未信出天工
當時只道鶴林仙能遣秋花發杜鵑誰信詩能回造
化直教霜拚放春妍
不分清霜入小園故將詩律變寒暄使君欲見藍關
詠更倩韓郎為染根

弔天竺寶月辯師三首

欲尋遺跡強沾裳本自無生可得亡今夜生公講堂
月滿庭依舊冷如霜
生死猶如臂屈伸情鍾我輩一酸辛樂天不是蓬萊

客憑仗西方作主人

欲訪浮雲起滅因無緣却見夢中身安心好住王文
度此理何須更問人

柳氏二外甥求筆迹二首

退筆成山未足珍讀書萬卷始通神君家自有元和
脚莫厭家鷄更問人

一紙行書兩絕詩遂良須鬢已如成一一作絲何當火急
傳家法欲見懸誠筆諫時

錢道人有詩云直須認取主人翁作兩絕戲之
首斷故應無斷者冰消那復有冰知主人若苦令儂

認認主人人竟是誰

有主還須更有賓不如無鏡自無塵只從半夜安心
後失却當年覺痛人

成都進士杜遲伯升出家名法通往來吳中

欲識當年杜伯升飄然雲水一孤僧若教俯首隨羶

鎖料得如今似我能弟子王通若

監洞霄宮俞康直郎中所居四詠

退圃

百丈休牽上瀨艇一鉤歸釣縮頭魚園中草木春無

數只有黃楊厄閏年俗說黃楊歲長一

逸堂

新第誰來作並鄰舊官寧復憶星辰請君置酒吾當
賀誰向江湖拜散人

遊軒

冠蓋相望起隱淪先生那得老江村古來真遊何曾
遊笑殺踰垣與閉門

遠樓

西山煙雨卷疎簾北戶星河落短簷不獨江天解空
闊地偏心遠似陶潛

次韻沈長官三首

家山何在兩忘歸
杯酒相逢慎勿違
不獨飯山朝我瘦
也應糠覈恠君肥

男婚已畢女將歸
累盡身輕志莫違
誰聞一作道山中

食無肉玉池清水自生肥

造物知吾久念歸
似怜衰病不相違
風來震澤帆初飽
雨入松江水漸肥

戲書吳江三賢畫像三首

誰將射御教吳兒
長笑申公為夏姬
却遣姑蘇有麋鹿
更怜夫子得西施

范蠡

汙世功勞食與眠
季鷹真得水中仙
不須更說知機

早直為鱸魚也自賢

張翰

千首文章二頃田
囊中未有一錢看
却因養得能言鴨
驚破王孫金彈丸

陸龜蒙

回先生過湖州東林沈氏飲醉以石榴皮書其家東老庵之壁云西隣已富憂不足東老雖貧樂有餘白酒釀來因好客黃金散盡為收書西蜀和仲聞而次其韻三首東老沈氏之老自謂也湖人因以名之其子偕作詩有可觀者

世俗何知貧是病
神仙可學道之餘
但知白酒留佳

客不問黃公覓素書

符籙道士晨興際華岳先生屍解餘忽見黃庭丹篆
句猶傳青紙小朱書

淒涼雨露三年後鬢髯塵埃數字餘至用榴皮緣底
事中書君豈不中書

李行中秀才醉眠亭三首

已向閑中作地仙更於酒裏得天全從教世路風波
惡賀監偏工水底眠
君且歸休我欲眠人言此語出天然醉中對客眠何
害須信陶潛未苦賢

孝先風味也堪憐肯為周公盡日眠枕麪先生猶笑
汝枉將空腹貯遺編

單同年求德興俞氏聚遠樓三首

雲山煙水苦難親野草幽花各自春賴有高樓能聚
遠一時收拾與閑人

無限青山散不收雲奔浪卷入簾鉤直將眼力為疆
界何啻人間萬戶侯
聞說樓居似地仙不知門外有塵寰幽人隱几寂無
語心在飛鴻滅沒間

次韻孫巨源寄漣水李盛二著作并以見寄

五絕

南岳諸劉豈易逢相望無復馬牛風山翁雖見無多
子社燕何由戀塞鴻昔與巨源貢惟巨源近者德相

見於京口

高才晚歲終難進勇退當年正急流不獨二疎為可

慕他時當有景孫樓巨源近離東海郡有景疎樓

漱石先生難可意謂巨源齧麩校尉久無朋謂應知客

路愁無奈故遣吟詩調李陵謂李君也

雲雨休排神女車忠州老病畏人誇詩豪正值安仁

在空看河陽滿縣花感為邑宰

膠西未到吾能說桑柘未麻不見春不羨京塵騎馬
客羨他淮月弄舟人

王莽

漢家殊未識經綸入手功名事事新百尺穿成連夜
井千金購得解飛人

董卓

公業平時勸用儒諸公何事起相圖只言天下無健
者豈信車中有布乎

送趙寺丞寄陳海州

景疎樓上喚蛾眉君到應先誦此詩若見孟公投轄

飲莫忘衝雪送君時

答陳述古二首

謾說山東第二州棗林桑泊負春遊城西亦有紅千
葉人老簪花却自羞

小桃破萼未勝春羅綺叢中第一人聞道使車歸去
後舞衫歌扇總生塵

陳有古稱之效

和張子野見寄三絕

前生我已到杭州到處長如到舊遊便欲洞霄為隱
吏一庵閑地且相留

通舊

狂吟跌宕無風雅醉墨淋漓不整齊應為詩人一回

顧山僧未忍掃黃泥

觀題

栢堂南畔竹如雲此閣何人是主人但遣先生披鶴
氅不須更畫樂天真

竹閣見翹

和文與可洋川園池三十首

湖橋

朱欄畫柱照湖明白葛烏紗曳履行橋下龜魚晚無
數識君拄杖過橋聲

橫湖

貪看翠蓋擁紅粧不覺湖邊一夜霜卷却天機雲錦
段從教匹練馬秋光

書軒

雨昏石硯寒雲色風動牙籤亂葉聲庭下已生書帶
草使君疑是鄭康成

冰池

不嫌冰雪遶池看誰似詩人巧耐寒記取羲之洗硯
處碧琉璃下黑蛟蟠

竹塢

晚節先生道轉孤歲寒惟有竹相娛粗才杜牧直堪
笑喚作軍中十萬夫

荻浦

兩折霜乾不耐秋白花黃葉使人愁月明小艇湖邊
宿便是江南鸚鵡洲

蓼嶼

秋歸南浦蟪蛄鳴霜落橫湖沙水清卧雨幽花無限
思抱叢寒蝶不勝情

望雲樓

陰晴朝暮幾回新已向虛空付此身出本無心歸亦
好白雲還似望雲人

天漢臺

漾水東流舊見經銀潢左界上通靈此臺試向天文

覓閣道中間第幾星

待月臺

月與高人本有期
挂簷低戶映蛾眉
只從昨夜十分滿
漸覺冰輪出海遲

二樂榭

此間真趣豈容談
二樂并君已是三
仁智更頌訶妄見
坐令魯叟作瞿曇

米詩云二見因妄生

灤泉亭

聞道池亭勝兩川
應須爛醉答雲煙
勸君多種長腰米
消破亭中萬斛泉

吏隱亭

縱橫憂患滿人間
頗恠先生日日閑
昨夜清風眠北牖
朝來爽氣在西山

霜筠亭

解箨新篁不自持
婣娟已有歲寒姿
要看凜凜霜前意
須待秋風粉落時

無言亭

慙慙稽首維摩誥
敢問如何是法門
彈指未終千偈了
向人還道本無言

香露亭

亭下佳人錦繡衣滿身瓔珞綴明璣晚香消歇無尋
處花已飄零露已晞

涵虛亭

水軒花榭兩爭妍秋月春風各自偏惟有此亭無一
物坐觀萬景得天全

溪光亭

決去湖波尚有情却隨初日動簷楹溪光自古無人
畫憑仗新詩與寫成

過溪亭

身輕步穩去忘歸四柱亭前野竹微忽悟過溪還一

笑水禽驚落翠丁毛衣

披錦亭

煙紅露綠曉風香燕舞鶯啼春日長誰道使君貧日
老繡幘錦障咽笙簧

楔亭

曲池流水細鱗鱗高會傳觴似洛濱紅粉翠娥應不
要盡舡來往勝於人

齒菴亭

日日移床趁下風清香不盡思無何一作窮若為化作
龜千歲巢向田田亂一作葉中

臺灣國家圖書館, NATIONAL CENTRAL LIBRARY, TAIWAN, R.O.C.

茶蘼洞

長憶故山寒食夜野茶蘼發暗香來分無素手簪羅
髻且折霜蕤浸玉醅

箕簞谷

漢川脩竹賤如蓬迂斤斧何曾赦擇龍料得清貧饒太
守涓濱千畝在田月中

寒蘆港

溶溶晴港漾春暉蘆筍生時柳絮飛還有江南風物
否桃花流水紫魚肥

野人廬

少年辛苦事犁鉏剛厭青山遶故居老覺華堂無意
味却須時到野人廬

此君庵

寄語庵前抱節君與君到處合相親寫真雖是丈夫
子我亦真堂作記人

金橙徑

金橙縱復里人知不見鱸魚價自低須是松江煙雨
裏小舡燒薤擣香薹

南園

不種天桃與綠楊使君應欲候農桑春畦雨過羅紈

膩夏壠風來餅餌香

北園

漢水巴山樂有餘一麾從此首歸塗北園草木憑君問許我他年作主無

和孔密州五絕

見邸家園留題

大旆傳聞載酒過小詩未忍著塲磨陽關三疊君須祕除却膠西不解歌城來詩有渭之句

春步西園見寄

歲歲開園成故事年年行樂不辜春今年太守尤難

繼慈愛聰明惠利人

春欄梨花

梨花淡白柳深青柳絮飛時花滿城惆悵東欄一株雪人生看得幾清明

和流孟石上草書小詩

蜂腰鶴膝嘲希逸春蚓秋蛇病子雲醉裏自書醒自笑如今二絕更逢君

堂後白牡丹

城西千葉豈不好笑舞春風醉臉丹何似後堂冰玉潔遊蜂飛絮非一作不相干孔頗有聲妓而容無見者

子由將赴南都與予會宿於逍遙堂作兩絕
句讀之殆不可為懷因和其詩以自解予觀
子由自少曠達天資近道又得至人養生長
年之訣而予亦竊聞其一二以為今者宦遊
相別之日淺而異時退休相從之日長既以
自解且以慰子由云

別期漸近不堪聞風雨瀟瀟已斷魂猶勝相逢不相
識形容變盡語音存
但令朱雀長金花此別還同一轉車五百年間誰復
在會看銅狄兩咨嗟

和孔周翰二絕

再觀邨園留題

小園香霧曉蒙籠醉守狂詞未必工魯叟錄詩應有
取曲収彤管邨廊風

觀淨觀堂效韋蘇州詩

弱羽巢林在一枝幽人蝸舍兩相宜樂天長短三千
首却愛韋郎五字詩

元日次韻張先子野見和七夕寄莘老之作

得句牛女夕轉頭參尾中青春先入眼白髮不遺窮
酒社我為敵詩壇子贊一作功縮頭先夏鼈子實

腹鄙秋虫莫唱裙垂綠無人臉斷紅舊交懷賀老新
進謝終童袍鶻雙雙瑞腰犀一一通小蠻知在否試
問嘒嘒翁

蘇文忠公集卷第二十六

蘇文忠公集卷第二十七

律詩絕句一百八十九首

次韻景文山堂聽箏三首

忽憶韓公二妙姝琵琶箏韻落空無猶勝江左狂靈
運空闔東昏百草須

又

馬上胡琴塞上姝鄭中丞後有人無詩成畫燭飄金
燼八尺英公欲燎須

又

荻花楓葉憶秦姝切切公絃細欲無莫把胡琴挑醉

腹鄙秋虫莫唱裙垂綠無人臉斷紅舊交懷賀老新
進謝終童袍鶻雙雙瑞腰犀一一通小蠻知在否試
問嘒嘒翁

蘇文忠公集卷第二十六

蘇文忠公集卷第二十七

律詩絕句一百八十九首

次韻景文山堂聽箏三首

忽憶韓公二妙姝琵琶箏韻落空無猶勝江左狂靈
運空闔東昏百草須

又

馬上胡琴塞上姝鄭中丞後有人無詩成畫燭飄金
燼八尺英公欲燎須

又

荻花楓葉憶秦姝切切公絃細欲無莫把胡琴挑醉

客回看霜戟褚公須

成伯家宴造坐無由輒欲效顰而酒已盡入
夜不欲煩擾戲作小詩求數酌而已

道士令嚴難繼和僧伽帽小却空廻隔籬不喚鄰翁
飲抱瓮須防吏部來
道士令悅神樂中所謂離而復
者杜詩云肯與鄰翁相對飲

隔籬呼取
盡餘盃

成伯席上贈所出妓川人楊姐

坐來真个好相宜深注唇兒淺畫眉須信楊家佳麗
種洛川自有浴妃池

又荅種帳

卧病經旬減帶圍清樽忘却故人期莫嫌雪裏閑種
帳作事猶來未合時

往年宿瓜步夢中得小詩錄示民師

吳塞蕪葭空碧海隋宮楊柳只金堤春風自恨無情
水吹得東流竟日西

僕少好種松過泗上與杜子師行山中子師
求余種松法欲之都梁山中戲作二絕

露宿泥行草棘中十年春雨養髯龍如今尺五城南
杜欲問東坡學種松

又

君方掃雪收松子我已開榛得茯苓為問如何挿楊柳明年飛絮作浮萍

送范德孺

漸覺東風料峭寒青蒿黃韭試春盤遙想慶州千嶂裏暮雲衰草雪漫漫

陸蓮庵

何妨紅粉唱迎仙來伴山僧到處禪陸地生花安足憐而今更有火中蓮

余昔通守錢塘後蒞膠西以九月二十日來別南北山道友今復忝郡寄以三月九日被

盲赴闕復辭天竺觀音凡十八年感歎之餘作三絕留示慈辨陳公

昔年衫鬢兩青青強說重臨慰別情衰髮只今無可白故應相對話平生

又

出處依稀似樂天敢將衰朽老一作較前賢便從洛社休官去猶得閑居二十年

又

到郡依前六百日山中不記幾回來聊將天竺一峯去夢托雲根到處栽

中秋

暮雲收盡溢清寒銀漢無聲轉玉盤此生此夜不長好明月明年何處看

僕年三十九在潤州道上過除夜作此詩又二十年在惠州錄之以付過

寺官官小未朝參紅日半窓春睡酣為報鄰雞莫驚覺更容殘夢到江南
釣艇歸時菖葉雨綠車鳴處棟花風長江昔日經遊地盡在如今夢寐中

壽陽岸下二首

街東街西翠幄成池南池北綠錢生幽人獨來帶殘酒一作雨偶聽一作聞黃鸝第一聲

又

澹月傾雲曉角哀小風吹水碧鱗開此生定向江湖老默數淮中十往來

戲荅王都尉傳柑

侍史傳柑玉座傍人間草木盡天漿寄與維摩三顆不知蒼蠅是餘香舉輕以重維摩三顆

萬州太守高公宿約遊岑公洞而夜雨連明

戲贈二小詩

肩輿欲到岑公洞正怯衝泥傍險行定是岑公闕清
境春江一夜雨連明
蓬窓高枕雨如繩恰似糟床壓酒聲今日岑公不能
飲吾儕猶健可頻傾

遊中峯盃泉

石眼盃泉舉世無要知杯度是凡夫可怜狡獪維摩
老戲取江湖入鉢盂

憇寂圖

東坡雖是湖州派竹石風流各一時前世畫師今姓
李不妨還作輞川詩

送柳宜歸

折脚鑪邊煨淡粥曲枝桑下飲離盃書生不是南遷
客鸚鵡驚人須早回

寒具

乃飴餠
餠語出
董

纖手搓來玉數尋碧油輕蘸嫩黃深夜來春睡濃於
酒壓福佳人纏臂金

叅寥惠揚梅

新居未換一根椽只有揚梅不直錢莫共金家鬪甘
苦叅寥不是老婆禪

題溪山遠景圖

山人昔與雲俱出俗駕今隨水不回
賴有曾中與佳處一樽時對畫圖開

乞越州書謝公卷三首

乞郡三章字半斜
廟堂傳笑眼昏花
上人問我遲留意
待賜頭綱八餅茶

夢遶吳山曉月廊
白梅黃橘覺猶香
會稽且作須臾

守一作意
從此歸田策最長

東南此去幾時歸
倦鳥孤飛一作豈有期
斷送一生消底物
三年光景六篇詩

雨夜宿淨行院

芒鞋不踏利名場
一葉輕一作舟寄渺茫
林下對床聽夜雨
靜無燈火照淒涼

畫車二首

何人畫此隻輪車
便是當年歌器圖
上易下難須審細
左提右挈免踈虞

九衢歌舞頌王明
誰側寒泉獨自清
賴有千車能救旱
化為膏雨滿重城

送惠州監押

一聲鳴一作鴈破江雲
萬葉梧桐卷露銀
我自飄零是羈旅
更堪秋晚送行人

過黎君郊居

半園荒草沒佳蔬
煮得占禾半是藟
萬事思量都是錯
不如還叩仲尼居

贈王觀

何人生得寧馨子
今夜初逢掣筆郎
莫恠圍碁忘瓜葛
已能作賦繼靈光

太夫人以无咎生日置酒書壁一絕

壽樽餘瀝到朋簪
要與郎君夜語深
敢問阿婆開後閣
井中車轄任浮沉

余舊在錢塘伯固開西湖今方請越戲謂伯

固可復來開鏡湖伯固有詩因次其韻

已分江湖送此生
會稽行復得岑成
鏡湖席卷卷八百里
坐嘯因君又得名

召伯梵行寺山茶

山茶相對阿本一作誰栽
細雨無人我獨來
說似與君君不會
一作爛紅如火雪中開

奉和成伯兼戲禹功

金錢石竹道傍秋
翠黛紅裙馬上謳
無限小兒齊拍手
山公又作習池遊

題澄邁驛通橋閣二首

倦客愁聞歸路遙
眼明飛閣俯長橋
貪看白鷺橫秋浦
不覺青林沒晚潮

餘生欲老海南村
帝遣巫陽招客我
一作 鬼海闊
一作 杳杳
天低鷗沒處
青山一髮是中原

洗兒

人皆養子望聰明
我被聰明誤一生
惟願孩兒愚且魯
無災無難到公卿

病後醉中

病為兀兀安身物
酒作蓬蓬入腦聲
堪笑錢塘十萬戶
官家付與老書生

劉監倉家煎米粉作餅子
余云為甚酥
潘邠老家造逡巡酒
余飲之莫作醋
錯著水來否
後數日余携家飲郊外
因作小詩戲劉公求之二首

一杯連坐兩髯茶
數片深紅入座飛
十分瀲灩君休訴
且看桃花好面皮
唐詩云未有桃花面皮先作杏子眼孔

野飲花間百物無
杖頭惟挂一葫蘆
已傾潘子錯著水
更覓君家為甚酥

夢中絕句

楸樹高花欲挿天
暖風遲日共茫然
落英滿地君方

見惆悵春光又一年

元翰少卿寵惠谷簾水一器龍團二枚仍以
新詩為貺歎味不已次韻奉和

巖垂正練千絲落雷起雙龍萬物春此水此茶俱第一
一共成三絕景中人

山茶

遊蜂掠盡粉絲黃落葉猶收蜜露香但得春風幾枝
在年來殺菽有飛霜

藏春塢三首

退之身外無窮事子美生前有盡花更有多情君未

識不隨柳絮落人家

莫尋群玉峯頭路莫看玄都觀裏花但解閉門留我
住主人休問是誰家

朱閣前頭露井多碧桃枝下美人過寒泉未必能如
此奈有銀床素綆何

謝都事惠米

平生忍慾今忍貧閉口逢人不少陳俸薄身輕趙都
事也能作意向詩人

擷菜

吾借王叅軍地種菜不及半畝而吾與過子終年

飽菜夜半飲醉無以解酒輒擷菜煮之味含土膏
氣飽風露雖梁肉不能及也人生須底物而更貪
耶乃作四句

秋來霜露滿東園蘆菹生兒芥有孫我與何曾同一
飽不知何苦食雞豚

別公擇

黍離不復閔宗周何暇雷塘吊一丘若問西來祖師
意竹西歌吹是揚州

絕句

春來濯濯江邊柳秋後離離湖上花不羨千金買大

舞一篇珠玉是生涯

書寄韻

已將鏡鉢投諸地喜見蒼顏白髮新歷數三朝軒冕
客色聲誰是獨完人

遊靈隱寺戲贈開軒李居士

推倒垣墻也不難一軒復作兩軒看若教從此成千
里巧歷如今也被漫

常州太平寺蒼菴亭

六花蒼菴林間佛九節菴蒲石上仙何似東坡鐵柱
杖一時驚駕起野狐禪

儋耳一絕

總角離家三小童口吹蕙葉送迎翁莫作天涯萬里
意溪邊自有舞雩風

宿建封寺

嶺海東南月窟西功成天已錫玄圭此方定是神仙
宅禹亦東來隱會稽

過文覺顯公房

爛斑碎玉養菖蒲一勺清泉滿石盂淨几明窓書小
楷便同爾雅注虫魚

惠州靈惠院壁間書五一仰面向天醉僧云是

蜀僧隱巖所作題詩於其下

直視無前氣吐虹五湖三島在胸中相逢莫恠不相
揖只見山僧不見公

同狀元行老學士秉道先輩遊太平寺淨土
院觀牡丹中有淡黃一朶特奇為作

醉中眼纈自爛斑天雨曼陀照玉盤一朶淡黃
微拂掠輕紅魏紫不須看

此君軒

雲幢煙節十洲七州人犀甲檀槍百萬軍蘼薈蒼生
何足道一作數此君真是此君君

觀子義病中作嗟嘆不足因次韻

百尺長松澗下摧知君此意為誰來
霜枝半折孤根出尚有狂風急雨催

謁敦詩先生因留一絕

凜凜人言君似雪我言凜凜雪如君
時人盡恠蘇司業不解將錢與廣文

余將赴文登過廣陵而擇老移住石塔相送
竹西亭下留詩為別

竹西失却上方老石塔還逢惠照師
我亦化身東海去姓名莫遣世人知

次韻寄穎叔

玉關不用一丸泥自有長城鳥鼠西
剩與故人尋土物臆糟紅糝一作麩寄駝蹄

絕句三首

松栢蕭森溪水南道人只作兩團庵
市區收罷豚魚稅來與彌陀共一龕

此身分付一蒲團靜對蕭蕭竹數竿
偶為老僧煎茗粥自携脩綆汲清泉

天風吹月入闌干烏鵲無聲夜向闌
織女明星來枕上乃知身不在人間

呈定國

舊病應逢醫口藥新粧漸畫入時眉
信知詩是窮人近覺王郎不作詩

絕句二首

峩峩疊石立何孤
賴有蕭蕭翠竹俱
日暮無人鷗鳥散
空留遠水伴寒蘆

漠漠秋高露氣清新
蒲倚石近溪生
夜來雨後西風急
靜向窓前似有聲

金山夢中作

江東賈客木綿裘
會散金山月滿樓
半夜潮來風又

熟卧吹簫管到揚州

破琴詩後

余作破琴詩求得宋復古畫邢和璞於柳仲遠仲遠以此本託王晉卿臨寫為短軸名為邢房悟前生圖作詩題其上

此身何處不堪為
逆旅浮雲自不知
偶見一張閑故紙
便疑身是永禪師

送柳子玉至靈山

世事方艱便猛迴
此心未老已先灰
何時夢入真君殿
也學傳呼觀主來

次韻章子厚飛英留題

歎段曾陪馬少游而今人在鳳麟洲黃公酒肆如重
過杳杳白蘋天盡頭

贈江州景德長老

白足高僧解達觀安排春事滿幽欄不須天女來相
試揔把空花眼裏看

雜詩二首

窓接細浪魚吹沫一作手弄黃花蝶透一作衣不覺
春風吹酒醒空教明月照人歸
昔日雙鷗照淺眉如今姍姍綠雲垂
老守明朝

去腸斷簾間蝶蟀悲

元祐癸酉八月二十七日於建隆章淨館書
贈王觀

海上東風犯雪來鵬前先拆鏡湖梅
遙思禁苑青春夜坐待宮人畫詔回

元祐元年二月八日朝退獨在起居院讀漢
書儒林傳感申公故事作小詩一絕

寂寞申公謝容時自言已見穆生幾
縮臧下吏明堂廢又作龍鍾病免歸

會飲竹間亭

一士千金未易償我從陳趙兩歐陽舉鞭拍手笑山
簡只有并州一葛強

聞捷

元豐四年十月二十二日謁王文父齊愈於江南
坐上得陳季常書報是月四日种諤領兵深入破
殺西夏六萬餘人獲馬五千匹衆喜抃各飲一巨
觥

聞說將軍取乞聞將軍旗鼓捷如神故知無定河邊
柳得共中原雪絮春

睡起

柿葉滿庭紅顆秋薰爐沉水度春篝松風夢與故人
遇自駕飛鴻跨九州

秋思寄子由

黃葉山川知晚秋小蟲催女獻功裘老松閱世卧雲
壑挽著蒼江無萬牛

碣石庵戲贈湛庵主

相國寺僧也

保康橋上夜觀燈碣石巖前夏飲水莫把山林笑朝
市老夫手裏有烏藤

散郎亭

法花下有散郎亭老樹蒼崖如有情歡戚已隨時事

去壁間只有古人名

侯灘

江邊皎皎過侯灘更上山腰看打盤百歲老兒親擊鼓城中憂患不相干

和西溪梅三首

千花未分出梅餘遣雪摧殘計已踈卧聞點滴如秋雨知是東風為掃除
閨苑千葩映玉宸人間只有此花新飛英要欲先桃李散作千林火迫春
蹀躞嬌黃不受鞿東風暗與色香歸偶逢白墮辜春

酒遣入王孫玉笋飛

次韻德麟西湖新成

壺中春色酒一作飲中仙騎鶴東來獨憫一作憫然惟有趙陳如李郭不妨同泛過湖船

春夜

春宵一刻直千金花有清香月有陰歌管樓臺聲細細鞦韆院落夜深深

火星巖

火星巖下石凌壁閣上相忘止一僧莫問人間興廢事門前流水几前燈

讀開元天寶遺事三首

姚宋亡來事事興一官銖重萬人輕
朔方老將風流在不取西蕃石堡城

潭裏春船百倍多廣陵銅器越溪羅
三郎官爵如泥土爭唱弘農得寶歌

琵琶絃急袞梁州羯鼓聲高舞臂韝
破費八姨三百萬大唐天子要纏頭

過泗上喜見張嘉父二首

眉間冰玉照淮明筆下波瀾老欲平
直得全生如許妙不知形謀已多名

空翠娛人意自還明窓一榻共秋閑
會知名利不到處定把清觴屬此山

謝惠猫兒頭笋

長沙一日煨蘆筍鸚鵡洲前人未知
走送煩公助湯餅猫兒突兀鼠穿籬

題淨因壁

暝倚蒲團卧鉢囊半窓踈箔度微涼
蕉心不展待時雨葵葉為誰傾夕陽

同景文詠蓮塘

塘上鈎簾對晚香不知斜日已侵床
江妃自借凌波

鞵長在高荷扇影涼

睡起

食罷茶甌未要深清風一榻直千金腹搖鼻息庭花落還盡平生未足心

臂病在告作一絕

小閣低窓卧晏温了然非默亦非言維摩非一作病言真病誰識東坡不二門

書望洪亭壁

河漲平來出舊洪山城都在水光中忽然歸壑無尋處千里禾麻一半空

子美召公擇飲偶以病不及往公擇有詩次韻

樊素阿蠻皆已出使君應作玉笋歌可怜病士西窓下一夜丹田手自摩

和參寥

芥舟只合在坳堂紙帳心期老孟光不道山人今忽去曉猿啼處月茫茫

醉題信老方丈

鶴作精神松作筋堦庭蘭玉一時春願君且住三十歲長與東坡作主人

常州太平寺觀牡丹

武林千葉照觀空，別後湖山幾信風。
自笑眼花紅綠眩，還將白首看鞋紅。

竹枝詞

自過鬼門關外，天命同人鮓瓮頭。
船北人墮淚，南人笑青嶂無梯問杜鵑。

寄歐叔弼

昔葬衣冠今在否，近來消息不須疑。
曾聞圯上逢黃石，久矣留侯不見欺。

題淨因院

門外黃塵不見山，个中草木亦常閑。
屢聲如渡薄冰過，催粥華鯨吼夜闌。

余前後守倅餘杭五年，夏秋之間蒸熱不可過，獨中和堂南頰下瞰海門洞，視萬里三伏常蕭然也。紹聖元年六月舟行赴嶺外，熱甚忽憶此處而作是詩。

忠孝王家千柱宮，東坡作吏五年中。
中和堂上東南頰，獨有人間萬里風。

宿建封寺曉登盡善亭望韶石二首

雙闕浮空照短亭，至今猿鳥淚青荧。
君王自此西巡

狩再使魚龍舞洞庭

蜀人文賦楚人詞堯在崇山舜九疑聖主若非真得道南來萬里亦何為

次韻子由贈吳子野二首

馬迹車輪滿四方若為閉著小茅堂仙心欲捉左元放癡絕還同顧長康

江令蒼苔圍故宅謝家語燕集華堂先生笑說江南事只有青山遶建康

絕句

紫桑春晚思依依屋角鳴鳩雨欲飛昨日已收寒食

火吹花風起却添衣

和黃龍清老三首

萬山不隔中秋月一鴈能傳寄遠書深密伽陀枯戰筆真誠相見問何如

風前橄欖星宿落月下枕柳羽扇開靜嘿堂中有相憶清江或遣化人來

騎驢覓驢真可笑以馬喻馬亦成癡一天月色為誰好二老風流各自知

過土山寨

南風日日縱篙撐時喜北風將我行湯餅一杯銀線

亂萋蒿如筋玉簪橫

書辨才白雲堂壁

不辭清曉叩松扉却值支公久不歸
山鳥不鳴天欲雪卷簾惟見白雲飛

次韻子由使契丹至涿州見寄四首

老人癡鈍已逃寒子復辭行理亦難
要到盧龍看古

塞投文易水吊燕丹

余昔年辟免使北

胡羊代馬得安眠窮髮之南共一天
又見子卿持漢

節遙知遺老泣山前

趙魏年來亦甚都時時短舌問三蘇
除與子由入京時使已問所

在後余館伴北使屢講三蘇之文章那知老病渾無用欲問君王乞鏡湖

始憶庚寅降屈原旋看蠟鳳戲僧虔
隨翁萬里心如鐵此子何勞為買田

時猶子遲待行

虔州八境圖

南康八境圖老太守孔君之所作也君既作石城
即其城上樓觀臺榭之所見者而作是詩也東望
七閩南望五嶺覽群山之參差俯章贛之奔流雲
煙出沒草木蕃麗邑屋相望雞犬之聲相聞觀斯
圖也可以茫然而思粲然而笑慨然而歎也蘇子

曰此南康之一境也何從而八乎所自觀之者異也且子不見夫日乎其旦如盤其中如珠其夕如破壁此豈三日也哉苟知夫一之為八也則凡寒暑朝夕雨暘海明之異坐作行立哀樂喜怒之變接於吾目而感於吾心者有不可勝數者矣豈特八乎如知夫八之出乎一也則夫四海之外恢詭譎怪禹貢之所書鄒衍之所談相如之所賦雖至千萬未有一者也後之君子必將有感於斯焉乃作詩八章題之圖上云

坐看奔湍遶石樓使君高會百無憂三犀竊鄙秦太

守八詠聊同沈隱侯

濤頭寂寞打城還章韜臺前暮靄寒倦客登臨無限思孤雲落日是長安

白鵲樓前翠作堆雲嶺路若為開故人應在千山外不寄梅花遠信來

朱樓深處日微明皂蓋歸時酒半醒薄暮漁樵人去盡碧溪青嶂遶螺亭

使君那暇日叅禪一望叢林一悵然成佛莫教靈運後著鞭從使祖生先

却從塵外望塵中無限樓臺煙雨濛山水照人迷向

背只尋孤塔認西東

雲煙縹緲鬱孤臺積翠浮空雨半開想見之不觀海
市絳宮明滅是蓬萊

回峯亂嶂鬱參差雲外高人世得知誰向空山弄明
月山中木客解吟詩

寒食日荅公擇三絕次韻

從來蘇李得名雙只恐全齊笑陋邦詩似懸河供不
辦故欺張籍隴頭瀧

簿書聒鼓不知春佳句相呼賴故人寒食德公方上
冢歸來誰主復誰賓

巡城已困塵埃昧執朴仍遭蟻蝨緣欲脫布衫携素
手試開病眼點黃連

來詩謂僕
布衫替役

陽關詞二首

受降城下紫髯郎戲馬臺南古戰場恨君不取契丹
首金甲牙旗歸故鄉

贈張繼愿

濟南春好雪初晴行到龍山馬足輕使君莫忘雲溪
女時作陽關腸斷聲

荅李公擇

琴詩

若言琴上有琴聲放在匣中何不鳴若言聲在指頭
上何不於君指上聽

續添

送范景仁遊洛中

小人真闇事閑退豈公難道大吾何病言深聽者寒
憂時雖早白住世有還丹得酒相逢樂無心所遇安
去年行萬里蜀路走千盤扶老身彌健登山意未闌
西遊為櫻筍東道盡鸛鷺杖屨携兒去園亭借客看
折花斑竹寺弄水石樓灘鬻馬衰憐白鷺雷法笑韓
蘇書標泗府松蓋偃天壇試與劉夫子重尋靖長官
行宿泗間見徐州張天驥次舊韻

三年三躡過淮舟款段還逢馬少游無事不妨長好

飲著書自要見窮愁孤松早偃元非病倦鳥雖還豈
是休更欲河邊幾來往祇今霜雪已蒙頭

表弟程德孺生日

伏下千官散紫庭時聞小語說蘇程長身自昔傳甥
舅壽骨遙知是弟兄曾活萬人寧望報祇求五畝却
歸耕四朝遺老凋零盡鶴髮他年幾箇迎

次韻蔣穎叔凝祥池

似知金馬客時夢碧雞坊冰雪銷殘臘煙波寫故鄉
鳴鑿自容與立馬久回翔乞與三韓使新圖到樂浪
韓康公坐上侍兒求書扇

一一窓扉面水開更於何處覓蓬萊天香滿袂人知
否曾到旃檀小殿來

贈清涼寺和長老

代北初辭沒馬塵江南來見卧雲人問禪下契前三
語施佛空留丈六身老去山林徒夢想雨餘鐘鼓更
清新會須一洗黃茅瘴未用深巖白氎巾

吳子野絕粒不齏過作詩戲之芝上人陸道
士皆和余亦次韻

聊為不死五通仙終了無生一大緣獨鶴有聲知半
夜老蠶不食已三眠憐君解比人間夢許我來逃醉

後禪會與江山成故事不妨詩酒樂新年

驪山絕句三首

功成雖欲善持盈可嘆前王恃太平辛苦驪山山下
土阿房纔廢又華清

幾變雕牆幾變灰舉烽指鹿事悠哉上皇不念前車
戒却怨驪山是禍胎

海中方士覓三山萬古明知去不還咫尺秦陵是商
監朝元何必苦躋攀

重遊終南子由以詩見寄次韻

去年新柳報春回今日殘花覆綠苔溪上有堂還獨

宿誰人無事肯重來古琴彈罷風吹座山閣醒時月
照杯嬾不作詩君錯料舊逋應許過時陪

次韻和子由欲得驪山沉泥硯

舉世爭稱鄴瓦堅一枝不換百金頒豈知好事王夫
子自採臨潼繡領山經火尚含泉脉暖弔秦應有淚
痕潛封題寄去吾無用近日從戎擬學班

次韻子由彈琴

琴上遺聲久不彈琴中古意本長存苦心欲記常迷
舊信指如歸白著痕應有仙人依樹聽空教瘦鶴舞
風鸞誰知不坐溪堂夜時引鷺猿撼竹軒

臺灣國家圖書館, NATIONAL CENTRAL LIBRARY, TAIWAN, R.O.C.

短橋

誰能鋪白簟
永日卧朱橋
樹影欄邊轉
波光版底搖

軒窓

東鄰多白楊
夜作雨聲急
窓下獨無眠
秋蟲見燈入

曲檻

流水照朱欄
青紅亂明鑑
誰見檻上人
無言觀物泛

雙池

泝流入城郭
壘壘渡千家
不見雙池水
長漂十里花

荷華

田田抗朝陽
節節卧春水
平鋪亂萍葉
屢動報魚子

魚

湖上移魚子初生不畏人自從識釣餌欲見更無因

牡丹

花好常患稀花多信佳否未有四十枝枝枝大如斗

桃花

爭開不待葉密綴欲無條傍招人窺鑑驚魚水濺橋

李

不及梨英軟應慙梅萼紅西園有千葉淡佇更纖穠

杏

開花送餘寒結子及新火關中幸無梅汝彊克鼎和

梨

霜降紅梨熟柔柯已不勝未嘗蠲夏渴長見助冬冰

棗

居人幾番老棗樹未成槎汝長才堪軸吾歸已及瓜

櫻桃

獨遶櫻桃樹酒醒喉肺乾莫除枝上露從向口中溲

石榴

風流意不盡獨自送殘芳色作裙腰染名隨酒盞狂

檇

自昔為神樹空聞蜩鳴社公煩見輟為爾致羊羹

槐

採擷殊未厭忽然已成陰蟬鳴看不見鶴立赴還深

松

彊致南山樹來經渭水灘生成未有意鴉鵲莫相干

檜

依依古仙子鬱鬱綠毛身每長須成節明年漸庇人

柳

今年手自栽問我何年去他年我復來搖落傷人思

和晁羨叔

反觀皆自直相詆競誰諛事過始堪笑夢中今了無

玕材尚空谷疲馬正長途未識造化意茫然同一爐

席上代人贈別

運子擘開須見憶楸枰着盡更無期破衫却有重逢處一飯何曾忘却時

蘇文忠公集卷第二十七

蘇文忠公集卷第二十八

歌辭三十二首

竹枝歌 并序

竹枝歌本楚聲幽怨惻怛若有所深悲者豈亦往者之所見有足怨者歟夫傷二妃而哀屈原思懷王而憐項羽此亦楚人之意相傳而然者且其山川風俗鄙野勤苦之態固已見於前人之作與今子由之詩故特緣楚人疇昔之意為一篇九章以補其所未道者

蒼梧山高湘水深中原北望度千岑帝子南遊飄不